

**Y Pwyllgor ar y Gorchymyn Cymhwysedd
Deddfwriaethol Arfaethedig ynghylch
Diogelwch Tân yn y Cartref**

**Proposed Domestic Fire Safety LCO
Committee**

Bae Caerdydd / Cardiff Bay
Caerdydd / Cardiff CF99 1NA

19 Mawrth 2008

Annwyl Gyfaiil

**Ymgynghoriad Cyhoeddus - Y Pwyllgor ar y Gorchymyn Cymhwysedd Deddfwriaethol
Arfaethedig ynghylch Diogelwch Tân yn y Cartref**

Ar 26 Chwefror 2008 sefydlwyd y Pwyllgor ar y Gorchymyn Cymhwysedd Deddfwriaethol Arfaethedig ynghylch Diogelwch Tân yn y Cartref i ystyried y Gorchymyn arfaethedig, Gorchymyn Cynulliad Cenedlaethol Cymru (Cymhwysedd Deddfwriaethol) (Rhif 7) 2008, ynghylch systemau taenellu mewn adeiladau preswyl.

Mae'r pwyllgor wedi cytuno ar y maes craffu, fel a ganlyn:

- Penderfynu a ddylid rhoi egwyddorion cyffredinol y Gorchymyn arfaethedig, hynny yw, cymhwysedd deddfwriaethol, fel a nodir ym Mater 11.1, i'r Cynulliad;
- Penderfynu a ydyw'r Gorchymyn arfaethedig yn darparu fframwaith priodol ar gyfer rhoi'r cynigion o ran polisi diogelwch tân yn y cartref ar waith; ac yn benodol, penderfynu a ydyw telerau'r Gorchymyn arfaethedig wedi'u diffinio'n rhy eang neu'n rhy gyfyng.

Ysgrifennaf atoch i'ch gwahodd i gyflwyno tystiolaeth ysgrifenedig i'r pwyllgor.

Hoffai'r pwyllgor gael tystiolaeth ar y cwestiynau canlynol yn arbennig:

1. Beth yw eich barn ar yr egwyddor cyffredinol bod cymhwysedd deddfwriaethol yn y maes a nodir ym Mater 11.1 yn cael ei roi i'r Cynulliad?
2. Beth yw eich barn ar delerau'r Gorchymyn arfaethedig? Er enghraifft, a ydynt yn rhy gyfyng neu'n rhy eang? A fyddant yn caniatáu ar gyfer rhoi'r cynigion o ran polisi, fel a amlinellir yn y memorandwm esboniadol, ar waith yn y dyfodol?
3. A oes angen gosod ystyr 'mangreuedd preswyl newydd' a 'system daenellu' yn y Gorchymyn arfaethedig? Os felly, a ydyw'r darpariaethau o ran dehongli yn briodol, neu a ddylid newid y ffordd y'u drafftiodd mewn unrhyw ffordd? Os felly, sut a pham y dylid gwneud hynny?

Ffôn / Tel: 029 2089 8032
Ffacs / Fax: 029 2089 8021
Minicom: 029 2082 3280

E-bost / E-mail: legislationoffice@wales.gsi.gov.uk

Pwrpas gwaith y pwyllgor yw i graffu ar y ffordd y drafftiwyd y Gorchymyn arfaethedig. Nid gwaith y pwyllgor yw trafod sut y dylid ymarfer y pwerau, os y'u rhoddir, ac, fel y cyfryw, bydd y pwyllgor yn osgoi bod yn rhan o drafodaethau manwl ar Fesurau arfaethedig posibl yn y dyfodol.

Ceir copi o'r Gorchymyn arfaethedig a'r memorandwm esboniadol, ynghyd â manylion y pwyllgor, yn y wefan ganlynol:

<http://www.cynulliadcymru.org/bus-home/bus-legislation/bus-leg-legislative-competence-orders/bus-legislation-lco-2008-7.htm>

Os dymunwch gyfrannu at waith y pwyllgor, anfonwch eich cyflwyniad drwy gyfrwng e-bost neu ar ddisg, os yw'n bosibl, neu gopi papur at:

Dirprwy Glerc y Pwyllgor, Y Pwyllgor Gorchymyn Cymhwysedd Deddfwriaethol Arfaethedig ynghylch Diogelwch Tân yn y Cartref, Y Swyddfa Ddeddfwriaeth, Cynulliad Cenedlaethol Cymru, Bae Caerdydd, CF99 1NA.

Y cyfeiriad e-bost yw: legislationoffice@wales.gsi.gov.uk. Gofynnir i chi roi'r canlynol fel pennawd i'ch e-bost: *Consultation Domestic Fire Safety LCO Committee*.

Dylai eich cyflwyniadau gyrraedd y Cynulliad erbyn 25 Ebrill 2008. Efallai na fydd yn bosibl ystyried ymatebion sy'n dod i law ar ôl y dyddiad hwnnw.


Wrth baratoi eich cyflwyniad, gofynnir i chi ystyried y canlynol:

- Dylai eich ymateb fod mor gryno ag y bo modd. Defnyddiwch y pennawd uchod fel cyfeirnod i'ch ymateb.
- Fel arfer, bydd y Cynulliad Cenedlaethol yn trefnu bod ymatebion i ymgynghoriad cyhoeddus ar gael i'r cyhoedd fedru craffu arnynt, a gellir eu gweld a'u trafod hefyd mewn cyfarfodydd pwyllgor. Os nad ydych yn dymuno cael eich ymateb a'ch enw wedi'u cyhoeddi, mae'n bwysig eich bod yn nodi hynny'n glir yn eich cyflwyniad.
- Gofynnir i chi nodi a ydych yn ymateb ar ran sefydliad neu fel unigolyn.
- Gofynnir i chi nodi a fydddech yn barod i roi tystiolaeth ar lafar i'r pwyllgor.

Croesewir cyfraniadau yn Gymraeg ac yn Saesneg a bydd y pwyllgor yn trafod yr ymatebion i'r ymgynghoriad ysgrifenedig yn ystod tymor yr haf.

Os oes diddordeb gennych gyfrannu at unrhyw ymgynghori pellach yn y maes hwn, gofynnir i chi nodi hynny yn eich ymateb.

Os bydd gennych unrhyw ymholiadau, cysylltwch â'r clerc, Sarah Beasley ar 029 2089 8032, neu'r dirprwy glerc, Lewis McNaughton ar 029 2089 1990.



Huw Lewis AC
Cadeirydd

Ffôn / Tel: 029 2089 8032
Ffacs / Fax: 029 2089 8021
Minicom: 029 2082 3280

E-bost / E-mail: legislationoffice@wales.gsi.gov.uk